



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCXLVII. ad annum CCCCI.

Parisiis, 1644

Canones Concilii Carthaginensis, Habiti Svb Die Idvvm Avgvstarvm, circa tempora Siricii papae, Attico & Caesario consulibus; & epistola Aurelii & Musonii ad episcopos.

urn:nbn:de:hbz:466:1-15256

CANONES

CONCILII CARTHAGINENSIS,

HABITI SVB DIE IDVVM AVGVSTARVM,
circa tempora Siricii papæ, Attico & Cæsario consuli-
bus; & epistola Aurelii & Mufonii ad episcopos.

*Dilectissimis fratribus & coepiscopis diuersarum prouinciarum,
Numidiæ, Mauritanie vtriusque, Tripolis & prouinciæ
proconsularis, Aurelius, Mufonius,
& ceteri episcopi.*

ECCLESIASTICÆ vtilitatis causâ dum in Carthagen-
si vrbe conueniremus in vnum, a plerisque suggestum
est, ea quæ in Concilio Hipponensi iam dudum maturata
sunt, & legitime ad corrigendam disciplinam salubriter
gesta & statuta noscuntur, effrenata temeritate quosdam
minime custodire. Ad huiusmodi vero excusandos ex-
cessus, illud ab aliquibus prætendi, quod ea quæ iam
dudum legibus statuta sunt ignorantes, prætermiserint.
Ob quam rem, hæc communi Concilio per vniuersam
prouinciam Byzacenam, in notitiam cunctis deducen-
da censuimus, vt in his quisquis de cetero temerator ex-
titerit, sciat se status sui operatum fuisse iacturam. Bre-
uem vero statutorum (in quo omnia videntur esse com-
plexa, & quadam diligentius custodita) huic epistolæ
subdi fecimus, vt compendio, quæ decreta sunt, recen-
sentes, sollicitius obseruare curemus. Optamus vos, fra-
tres, in Deo semper bene valere, & nostri memores esse.
& manu senis Mufonii: Optamus vos, fratres, beatos sem-
per in Deo gaudere, & nostri memores.